



Broj: 05/2-11/3-942-4/24
Velika Kladuša, 29.08.2024. godine

Na osnovu člana 69., člana 70. i člana 72. stav (3) tačka a) i c) Zakona o javnim nabavkama BiH („Službeni glasnik BiH“, broj: 39/14, 59/22 i 50/24) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku tonera za potrebe Općine Velika Kladuša – sukcesivna isporuka, Općinski načelnik Općine Velika Kladuša, donio je

ODLUKU **o dodjeli ugovora četvrtorangiranom ponuđaču**

1. Stavlja se van snage Odluka o dodjeli ugovora broj: 05/2-11/3-942-3/24 od 27.08.2024. godine, te se ugovor o javnoj nabavci tonera za potrebe Općine Velika Kladuša – sukcesivna isporuka, dodjeljuje četvrtorangiranom ponuđaču **AM SUPORT d.o.o. Sarajevo, sa konačnom cijenom od 15.695,00 KM bez PDV-a.**
2. Po pravosnažnosti ove Odluke Ugovorni organ dostavit će na potpis prijedlog ugovora izabranom ponuđaču.
3. Ova Odluka dostavlja se svim ponuđačima u postupku javne nabavke, u skladu sa članom 71. stav 2. Zakona o javnim nabavkama i objavit će se na službenoj web stranici Općine Velika Kladuša.

Obrazloženje

Na osnovu Plana javnih nabavki Općine Velika Kladuša za 2024. godinu, broj: 05/2-11/3-889/24 od 17.04.2024. godine, pokretnut je dana 24.05.2024. godine postupak javne tonera za potrebe Općine Velika Kladuša – sukcesivna isporuka.

Javna nabavka provedena je putem otvorenog postupka za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: : 299-I-1-8-3-24/24 objavljeno je na Portalu javnim nabavki (ejn.gov.ba), dana 28.05.2024. godine.

Krajnji rok za dostavljanje ponuda bio je 25.06.2024. godine do 12:00 sati, a javno otvaranje ponuda izvršeno je 25.06.2024. godine u 12:15 sati, što je konstatovano Zapisnikom sa otvaranja ponuda od 25.06.2024. godine. Procijenjena vrijednost nabavke iznosi 15.812,00 KM.

Komisija za javne nabavke u Zapisniku o pregledu i ocjeni ponuda broj: 05/2-11/3-942/24 od 25.06.2024. godine konstatovala je da je Tendersku dokumentaciju preuzelo 23 (dvadesettri) ponuđača, a da je nakon isteka krajnjeg roka za dostavljanje ponuda pristiglo 5 (pet) ponuda i to:

1. AM SUPPORT d.o.o. Sarajevo, sa ponuđenom cijenom od 15.695,00 KM bez uračunatog PDV-a,
2. TAMPELDO d.o.o. Velika Kladuša, sa ponuđenom cijenom od 15.667,92 KM bez uračunatog PDV-a,
3. KMC d.o.o. Banja Luka, sa ponuđenom cijenom od 15.188,52 KM bez uračunatog PDV-a,
4. LIBRARY d.o.o. Velika Kladuša, sa ponuđenom cijenom od 15.801,00 KM bez uračunatog PDV-a i
5. ALATUŠA d.o.o. Velika Kladuša, sa ponuđenom cijenom od 25.661,36 KM bez uračunatog PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude ponuđača AM SUPPORT d.o.o. Sarajevo, TAMPELDO d.o.o. Velika Kladuša, KMC d.o.o. Banja Luka i LIBRARY d.o.o. Velika Kladuša ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu e-aukcije, dok je ponuda ponuđača ALATUŠA d.o.o. Velika Kladuša neprihvatljiva budući da ista znatno prelazi procijenjenu vrijednost javne nabavke.

Članom 2 stav (1) tačka 1) propisano je da je Ponuda dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.

Ponuda može biti:

- 1) prihvatljiva - koju je podnio ponuđač koji nije bio isključen u skladu sa članom 45. ovog zakona i koji ispunjava kriterijume za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva;
- 2) neprihvatljiva - čija cijena prelazi planirana, odnosno obezbijeđena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta;
- 3) nepravilna - koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska

E-aukcija za prihvatljive ponude zakazana je za 28.06.2024. godine. Nakon provedenog postupka e-aukcije 28.06.2024. godine započetog u 11:15 sati i završenog u 11:31 sati, te na osnovu Izvještaja o toku i završetku e-aukcije konačna rang lista ponuđača koji su učestvovali u e-aukciji je:

1. LIBRARY d.o.o. Velika Kladuša, sa konačnom cijenom od 9.909,00 KM bez uračunatog PDV-a,
2. TAMPELDO d.o.o. Velika Kladuša, sa konačnom cijenom od 9.950,00 KM bez uračunatog PDV-a,
3. KMC d.o.o. Banja Luka, sa konačnom cijenom od 15.188,52 KM bez uračunatog PDV-a i
4. AM SUPPORT d.o.o. Sarajevo, sa konačnom cijenom od 15.695,00KM bez uračunatog PDV-a.

Shodno utvrđenoj rang listi ponuđača nakon provedene e-aukcije, Komisija za javne nabavke u svom Izvještaju o radu Komisije nakon završene e-aukcije broj: 05/2-11/3-942/24 od 02.07.2024. godine dala je Općinskom načelniku preporuku da donese Odluku o dodjeli ugovora ponuđaču LIBRARY d.o.o. Velika Kladuša, sa konačnom cijenom od 9.909,00 KM bez uračunatog PDV-a, kao najpovoljnijem ponuđaču, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i općih akata.

Općinski načelnik donio je 02.07.2024. godine Odluku kojom se ugovor o javnoj nabavci tonera za potrebe Općine Velika Kladuša – sukcesivna isporuka dodjeljuje ponuđaču LIBRARY d.o.o. Velika Kladuša, sa konačnom cijenom od 9.909,00 bez PDV-a, koja je dostavljena svim ponuđačima u postupku javne nabavke.

Tačkom 5.1.8. Tenderske dokumentacije određeno je da dokumenti navedeni u tački 3.1.4. (lična sposobnost ponuđača) moraju biti zaprimljeni kod ugovornog organa u roku od 5 (pet) dana od dana prijema Odluke o izboru najpovoljnijeg ponuđača, u radnom vremenu ugovornog organa najkasnije do 16:00 sati, te za ugovorni organ nije relevantno na koji su način dostavljeni (lično, poštom itd).

Ponuđač LIBRARY d.o.o. Velika Kladuša zaprimio je 09.07.2024. godine Odluku od dodjeli ugovora broj: 05/2-11/3-942/24, te od dana zaprimanja Odluke do danas nije dostavio dokaze o ispunjavanju uvjeta iz člana 45. Zakona (lična sposobnost ponuđača).

Članom 72. stav (3) tačka a) Zakona o javnim nabavkama BiH propisano je: „Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.“

Ugovorni organ donio je 12.08.2024. godine Odluku o dodjeli ugovora drugorangiranom ponuđaču Tampeldo d.o.o. Velika Kladuša, koja je dostavljena svim ponuđačima koji su učestvovali u ovom postupku javne nabavke putem maila, a odabranom ponuđaču i putem pošte.

- Dana, 27.08.2024. godine izabrani ponuđač Tampeldo d.o.o. Velika Kladuša putem maila obavijestio je Ugovorni organ da odustaje od Odluke o dodjeli ugovora broj: 05/2-11/3-942-2/24 od 12.08.2024. godine, bez navođenja razloga odustanka.

Ugovorni organ donio je 27.08.2024. godine Odluku o dodjeli ugovora trećerangiranom ponuđaču KMC d.o.o. Banja Luka, koja je dostavljena na znanje svim ponuđačima koji su učestvovali u ovom postupku javne nabavke putem maila.

Dana, 28.08.2024. godine trećerangirani ponuđač KMC d.o.o. Banja Luka Kladuša putem maila obavijestio je Ugovorni organ da nije u mogućnosti potpisati predmetni ugovor zbog greške u kalkulaciji nabavnih cijena i trenutne nedobavljalivosti dvije vrste tonera, te da isti odustaje od potpisivanja ugovora.

Članom 72. stav 3. tačka c) Zakona o javnim nabavkama BiH propisano je: „Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač u pisanoj formi odbije dodjelu ugovora“.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvestepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

DOSTAVITI:

1. Učesnicima u postupku – na znanje, 6x;
2. Služba za upravu, društvene djelatnosti i zajedničke poslove (web stranica),
3. U spis,
4. a/a.

